



**DIAMARS** atardi centenares di famia di piscadornan perdi riba lama y piscadornan a reuni na Governor's Bay caminda bou iniciativa di Minister Otmar Oduber a traha un monumento pa recorda e piscadornan perdi riba lama. Dos artista local, Gilbert Senchi y Fernando

Vermeer a wordo selecciona pa realiza e obra di arte aki cu ta rindi honor na un total di 42 homber balente cu lamentablemente un dia a sali bay pisca y nunca mas a regresa cerca nan sernan keru. Promer Minister Mike Eman, Minister Benny Sevinger y Min-

ister Otmar Oduber tabata e mandatarionan cu a dirigi palabranan conmovedor den direccion di e piscadornan aki cu a laga un bashi grandi atras.

Minister Oduber na un forma hopi sentimental a splica con hopi el a siña di e piscador-

nan durante e ultimo añanan, enseñansanan cu awe ta lague sinti con importante cada un di e homber y muhernan balente aki ta pa nos sector primario. Pa tal motibo cu mas empeño el a dedica tur e tempo necesario pa por realiza un monumento cu ta rindi homenahe na esunnan cu no tey mas cu nos. E famianan presente a haya un bunita recuerdo tambe caminda nan por a copia riba un documento e nomber di nan ser keru cu a perde riba lama y hiba esaki como un pida di e monumento cu ta recorda nan famia perdi.

E famianan tabata hopi conmovi y agradecido pa e bunita

gesto aki di Minister Otmar Oduber, naturalmente sosteni pa su coleganan Minister y tambe pa e Fondo di Mehoracion di Turismo. Familiarnan tabata bisa cu awor nan tin un lugar caminda cu nan por sinti nan mes un poco mas cerca di nan ser(nan) keru y cu sigur nan lo ta bishitando e monumento regularmente.

Durante e mesun ceremonia aki a haci entrega di e promer 125 paketenan di seguridad na piscadornan di tur parti di nos isla. Intencion di e pakete aki ta por duna un tipo di siguranza na nan mes y nan famia cu ora nan subi lama nan lo regresa sano y salvo na nan cas.

Your address for the best software and support.

**VCC**  
International NV

- ✓ Accounting Software
- ✓ Payroll Software
- ✓ Document Management
- ✓ HRM / CRM Software

M-Files | Intuit | Exact software | Payroll Pro | Commence

Tel.: 583-7072 | info@vcc-int.com | www.vcc-int.com





# Monumento di Piscadornan Perdi riba Lama lo brinda famianan un lugar pa recorda nan sernan kerí

**MINISTER** di Turismo, Transporte y Labor Otmar Oduber, conhuntamente cu famianan di piscadornan cu a ser perdi riba lama y coleganan a desvela diamars atardi e Monumento di Piscadornan Perdi riba Lama, na Governor's Bay. Meta principal tras di e bunita proyecto aki ta cu Minister Oduber kier conmemora tur e piscadornan cu no a bin cas bek.

E monumento traha pa artistanan local Gilbert Senchi y Fernando Vermeer a sa di impresiona publico completo. Ta trata aki di un obra solemne, unda cu famianan por semper acudi na dje. Pa tur esnan presente tabata hopi impresionante con a incorpora e detaye pa ubica e nomber di e piscadornan den e compas, señalando asina aki unda nan a wordo mira ultimo.

Famianan di e prome 42 piscadornan di cual nan nombenan ta aparace riba e obra, a demostra di ta sumamente contento cu e hecho cu nan tin un lugar unda semper nan por bay na dje. Durante e atardi aki Minister Otmar Oduber a haci entrega tambe di e promer manual y paketenan di seguridad na un grupo di piscadornan tradicional. Minister di Agricultura, Cria y Pesca ta considera hopi importante pa nos piscadornan ta conciente riba e aspecto di seguridad, mirando cu e ofishi di pesca ta forma parti di nos sector primario. Cu e gesto aki Minister Otmar Oduber kier honra tur piscador cu a perde riba lama y e ta spera cu e monumento aki por duna e famianan poco paz y tranquilidad.

